





767460

K295.8

Z681

:97



樣本書
不外借

宜景石
基漢石
贈書



臺灣大通書局印行

東南
南南
紀紀
事事

(合訂本)

臺灣文獻史料叢刊

第五輯



21113001124390

臺灣文獻叢刊第二六七種

西南紀事

邵廷采

西南紀事目錄

卷一

桂王由棖.....(一)

卷二

永寧王周宗.....(一九)

鄖西王常湖.....(二〇)

寧靖王術桂.....(二一)

卷三

何騰蛟.....(二五)

堵胤錫.....(三三)

卷四

瞿式耜.....(三七)

嚴起恒.....(四四)

卷五

陳子壯.....(四九)

張家玉.....(五〇)

陳邦彥.....(五〇)

王興.....(五五)

卷六

李乾德(楊展).....(五七)

王祥(皮熊).....(六〇)

卷七

金堡.....(六三)

鄧凱.....(七三)

卷八

沐天波.....(七九)

楊畏知.....(八四)

卷九

李成棟.....(八九)

卷十

李定國.....(九五)

劉文秀.....(104)

卷十一

金聲桓.....(111)

卷十二

孫可望.....(111)

西南紀事卷一

餘姚邵廷采念魯撰

桂王

桂王由棖，神宗顯皇帝之孫，桂恭王常瀛仲子也。神宗五子，恭王最少，母曰李貴妃，萬曆二十九年封桂王，天啓七年始就國衡州。崇禎十六年，張獻忠陷衡州，王奔廣西，留居梧州。大清順治二年乙酉冬薨，葬焉；請於福建，諡曰恭長。子安仁王由棖，先卒，以仲子永明王由棖襲爵桂王；命曰：天下王之天下；同濟國難，無忘艱危；嘗欲立王爲嗣，未果。

順治三年丙戌九月，唐王陷於汀州，兩廣聞報，於是總督丁魁楚、巡撫瞿式耜、巡按王化澄、侍郎湯來賀及故臣呂大器、李永茂、晏日曙、朱容藩、童天閔、林佳鼎、方以智、程源等，大會於肇慶，請王監國。前禮部尙書陳子壯，趣魁楚遣人入潮惠，審唐王存亡。十月二日還報，諸臣上箋詣王勸進。玉手書報曰：諸先生念高皇帝二百七十餘年之統業，及毅宗皇帝一十七載之憂勤，一旦滄桑，身殉社稷。弘光繼立，旋復蒙塵。今上親征復罹斯難。兩年三變，四海靈傷。諸先生以社稷爲重，不可無君；神廟子孫，

僅存不穀；以理而論，義無可辭。但自量涼德菲才，未堪肩仔，兼以連遭禾黍之傷，復重蓼莪之慘；心荒意謬，行坐猶迷；地裂天崩，何能旋轉？嘗聞治世以倫序，而變亂以功德；惟諸先生徧訪賢藩，繼承大統。太妃王氏亦曰：吾兒仁柔，非撥亂才也，願更擇可者。魁楚等固請。曰：國勢如此，強敵將臨，殿下親，神宗皇帝孫，光宗猶子，毅宗之弟；宜以生民宗社爲念，不宜深自謙退，願早正大位。是月十四日，監國肇慶。時年三十六。加上隆武皇帝尊諡曰紹宗襄皇帝，率羣臣大臨三日，以魁楚、永茂、大器爲六學士，共典機務。式耜爲侍郎，羣臣皆晉秩。會聞贛州敗，如梧州。十一月，蘇觀生以唐王聿錡稱帝廣州，監國乃還至肇慶，即皇帝位，以明年爲永曆元年。追尊皇考恭王爲恭皇帝，尊太妃王氏爲皇太后，生母馬氏爲慈寧皇太后，立妃王氏爲皇后，遣給事中彭耀赴廣州諭蘇觀生，見殺。詔曰：閱牆斯極，禦侮維艱。誰非高皇帝之裔孫，唐王能出長江、復南京者，願退歸桂邸。是月十五日，大清兵入西充，斬張獻忠。賊將孫可望、李定國奔重慶，襲殺總兵曾英。大清李成棟入潮州，惠州魯王次中左所。十二月，兵部侍郎林佳鼎攻廣州，敗沒，以太監王坤掌司禮監，大學士呂大器、李永茂罷，朱容藩自請經略四川，遣之；李成棟襲廣州，殺唐王及周、益、遼等二十四王。蘇觀生自殺，王如梧州，以朱治憫總督兩廣，留守肇慶。是月朱成功起於烈嶼。

大清順治四年丁亥春正月，王在梧州。李成棟入肇慶，朱治憫出走，廣東十郡皆陷。

。王如平樂，大學士丁魁楚走岑溪，兵部尙書王化澄走潯州，成棟至梧州，巡撫曹煒出降。是月，大清兵略定兩川，孫可望入貴州，總兵王祥、皮熊皆潰走。前督師大學士王應熊薨於畢節。朱容藩入夔州，遣李占春復涪州。李乾德遣袁韜據重慶，王祥復保邊義。是月，魯王次於長垣，以熊汝霖爲相。二月，王至桂林，遣使湖南勞督師定興侯何騰蛟，且徵其兵。騰蛟以大清兵近，辭不至。大學士平粵伯丁魁楚敗死藤江。大清兵陷平樂，王幸全州。命瞿式耜兼吏、兵尙書，留守桂林。封陳邦傳爲思恩侯，守昭平。武岡守將劉承胤入衛，免王坤，封承胤爲安國公，杖御史毛壽登等四人，賞從駕勞，封馬吉翔爲文安侯，掌絲綸房事。三月，幸武岡，以嚴起恒爲大學士。大清李成棟圍桂林，給事中陳邦彥起兵高明，遣其將余龍攻廣州，兵侍郎張家玉起東莞，應邦彥。是月，孫可望入雲南。巡撫都御史羅國瓛、宗室朱壽琳死之。沙定洲走阿迷，皮熊收復貴州。夏四月，大清孔有德破長沙，何騰蛟退保衡州。忠貞帥李赤心攻荊州不克，湖南北皆潰。騰蛟朝武岡行在。是月，大清松江守將吳勝兆謀來歸，事泄，及遣臣陳子龍等皆死之。五月，桂林圍解，晉瞿式耜太子太師，封臨桂伯。總兵焦璉富川伯。大清兵入衡州，命何騰蛟出扼永州。湖南巡撫章曠卒於永安。張家玉自龍門進攻惠州，虎賁將軍王與保文村，廣東鄉兵特起。是月，安昌王恭煥如日本乞師。秋七月，故大學士陳子壯攻廣州，前御史麥而炫以高明迎子壯。焦璉復平樂，陳邦傳復潯州，同復梧州，遣紳李星一等攻肇

慶，不克，死。是月，魯王攻漳州，福州，鄭鴻達、朱成功圍泉州，皆不克。八月六日，大清孔有德、耿仲明破寶慶，遂乘勝西入。王自至武岡，制於承胤，太后血詔賜古泥商邱伯侯性，告以難。性令部將謝復榮先入衛，而已嗣發。大清兵進至紫陽河，陳友隆阻險相持三日夜，尚可喜自道州至，合戰，夜破柵，進抵武岡。承胤降。兵部尚書傳作霖死之。十八日，馬吉翔、謝復榮奉王及三宮斬關出。大清兵追躡，相距三里，復榮斷後，與其卒五百人俱死王家堡。王徒行三十里，兩晝夜不食，幾及，會性率兵奄至，陣峽口，大軍乃退。由靖州通道，歷蠻境，五日達古泥。晉性祥符侯、吉翔文安侯，哭復榮，卹其家。明日，王幸柳州。大清兵入貴州境，破黎平，盡殺何騰蛟之家。是月，孫可望遣兵入永昌，執黔國公沐天波以歸，遂據雲南。九月，大清兵入永州，何騰蛟及諸將俱南保桂林。李成棟入清遠，故大學士朱學熙、給事中陳邦彥、指揮白嘗燦死之。冬十月，柳州軍亂，王幸象州。兵部尚書張家玉敗死增城。是月，魯王復閩中諸縣，故大學士劉中藻起兵福安，取福寧州。十一月，李成棟入高明，大學士陳子壯、御史麥而炫死之。是月三日，王自象州還至桂林。靖江王亨歡迎王而哭。瞿式耜、嚴起恒並相，中外想望新政。命曰：即位一載，未有寧居，賴將相大臣和衷匡復，凡我故家名族，軍伍遺民，以及山林川澤之豪，挺戈建義；羗苗貳貊之長，解辮歸誠，咸與釋愆圖功，剖符立誓。王寬仁恭默，虛己委任，無逸豫之過。然自常朝召對外，羣臣希得接見，左右倖

佞，因爲奸弊。文安侯吉翔招權，內結宦者，外通思恩侯邦傳，自象柳行在票擬，皆出其手。比至桂林，專與機密。式耜、起恒雖被敬禮，不能與爭。朱天麟、王化澄繼相，僅守故事。而司禮龐天壽奉使恭視興陵未還。王坤入自武岡復營進用，政令紛囂，方鎮驕情。由是遠近不服。十二月，令督師騰蛟，帥總兵胡一清、趙應選等出屯全州。是月，舟山總兵黃斌卿攻寧波不克，諸生華夏等死之。是年，朱容藩據夔州，自稱監國，招討副元帥總督李乾德，會師討斬容藩。故大學士呂大器薨於獨山州。

大清順治五年戊子春正月，王在桂林。魯王兵復興化，鄭彩殺大學士熊汝霖、義興侯鄭遵謙。二月，大清兵薄桂林，督師騰蛟、留守式耜禦卻之。南昌守將金聲桓，以江西來歸。封聲桓爲豫國公。其將王德仁爲建武侯。是月馬進忠復常德。閩地復破，魯王退保沙埕。餘姚王翊起兵四明，前翰林學士張煌言保平岡以應之。金聲桓攻贛州。安南、黎莫二部入寇犯行在。夏四月，后生男。督師騰蛟及焦璉、胡一清等退，大清兵於嚴關。五月，大清兵還武昌。騰蛟收復全州。李成棟劫其總督佟養甲以廣東來歸，封成棟惠國公、養甲襄平伯。命吏部侍郎吳貞毓宣諭廣東，太僕少卿黃尙賓宣諭江西。六月，遣留守式耜、侍郎劉遠生如全州、廣州勞軍。黃斌卿使馮京第入日本乞師。八月朔癸巳，王自南寧還至肇慶。惠國公成棟負弩矢郊迎百里外，副將杜永和以下前驅從騎四萬。冊命成棟爲翊明大將軍，以其子元胤爲錦衣都指揮，掌絲綸房事。擢袁彭年左都御史。粵

東寧盜保山澤者，皆入獻請自效。王命成棟夾攻贛州，以合聲桓，同恢南京。大清固山譚泰圍南昌，命騰蛟速出湖南援江西。十一月，騰蛟克永州、衡州。馬進忠退大清兵於麻河。佟養甲伏誅，召故相何吾驄、黃士俊輔政。十二月，湖北巡撫堵胤錫棄常德，奔湘潭，湖南軍亂。命騰蛟帥馬進忠圍長沙，胤錫帥忠貞營援江西，忠貞營不進。是年封嘉定鎮將楊展爲華陽伯，晉錦江侯。

大清順治六年己丑春正月，王在肇慶。罷大學士朱天麟。大清譚泰拔南昌，聲桓、得仁被殺。故大學士姜曰廣死之。定與侯騰蛟兵潰，死長沙。二月，罷大學士王化澄。惠國公成棟敗死信豐。時，三喪大將，連失江西、湖南，嶺表震恐。命留守式耜督江、湖、兩廣軍馬，以杜永和代成棟，鎮廣州。閻可義守南雄。封李元胤爲南陽伯，領兵宿衛。人情少定。李赤心等潰茶陵，行剽走梧州。堵胤錫走道州。可義尋卒，以羅成耀代。三月，大清兵入衡、永，諸軍南保廣西。封王祥爲忠國公。夏四月，福安破，故大學士劉中藻死之。孫可望使楊畏知入朝，陳邦傳矯制封可望爲秦王。六月，杜永和請出師北上，不果行。左都御史袁彭年，以憂去。秋七月，封孫可望爲平遠王，不受。是月，魯王徙居健跳。八月，罷大學士何吾驄。朱成功遣光祿卿陳士京入朝，閩海始奉年號。封川守將楊大福作亂，討誅之。九月，魯王討斬黃斌卿移屯舟山。遣使如日本乞師。冬十一月，堵胤錫死於潯州。十二月，大清兵分道入嶺，孔有德趨廣西，尙可喜、耿仲明

趨廣東。仲明死，子繼茂襲爵。是月晦，入南雄。羅成耀棄韶州，逃歸。是年春，李乾德、袁韜誘殺錦江侯楊展，併其兵。

大清順治七年庚寅春正月，韶州破，王至梧州。命李元胤留守肇慶。大學士黃士俊免。二月，大清尚可喜、耿繼茂襲清遠，圍廣州。杜永和、張月、李建捷力戰禦之。戶尚書吳貞毓、禮侍郎郭之奇、兵侍郎程源、萬翱等，合疏論左都御史袁彭年、侍郎劉湘客、給事中丁時魁、金堡、蒙正發，招權誤國罪。王及太后亦意羣臣有黨，詔獄竟治，以功赦彭年，餘皆杖戍。大學士嚴起恒伏沙灘求免刑，不聽，遂罷去。以王化澄、朱天麟代之。王憂廣州，進杜永和等爲侯伯。永和乞師於碣石鎮蘇利不應。二月，嶺東道李士璉、總兵郝尙久、黃應傑以潮惠二州降。大清殺滋陽、銅陵、興化、永豐等八王。巡撫王芋逃入山中。是月，王翊朝魯王於舟山。夏五月，李元胤及郎國公高必正、興平侯黨守素朝於梧州，召復大學士嚴起恒，命必正出救廣州，不奉命。安定伯馬寶襲清遠，敗歸。命故大學士何吾駒督師屯三水。秋七月，颶風盪舟，求直言。八月，孫可望再遣使求封秦王，不許。嚴起恒主之也。是月，大清田雄會兵餘姚，攻王翊。翊避入海島。魯王將張名振討破鄭彩兵於沙埕。九月，孫可望襲貴州，執匡國公皮熊，遂趨遵義。王祥走死。湖南大將馬進忠、張先壁皆歸於可望。冬十月朔癸巳，日有食之。十一月二日，廣州破，杜永和、張月以餘衆保瓊州。李建捷奔肇慶。肇慶裨將叛。李元胤、李建捷出

走。大清孔有德破全州，入嚴關，諸軍皆潰，遂入桂林。留守大學士臨桂伯瞿式耜、總督兵侍郎張同敞死之。大清兵進克平樂，王夜發梧州，走南寧。陳邦傳劫車駕於藤江，殺部郎潘駿觀、許玉鳳、董英前，至潯州，王舟衝雨而過，得免。服御被掠，邦傳以鹵簿僭陳營中。大學士王化澄、吏部尚書晏清等，俱走北流，不得達。二十八日，王至南寧，馬吉翔、李元胤追及，從官饑餓無人色，括御橐及吉翔所獻得四千金，分賜胡一清、趙應選帥，滇兵屯賓州。

大清順治八年辛卯正月朔己酉，王在南寧。己未，祀太廟，詔東閣大學士吏兵尚書文安之督師經略楚粵，賜尙方劍，便宜行事。二月，大清尙可喜將徐成功下高州，提督李明忠敗於陽江。羅定總兵郭登第降。是月，大清兵襲廈門，故大學士曾櫻死之。三月，孫可望使其將賀九儀，以兵入南寧，殺大學士嚴起恒、兵尚書楊鼎和、給事中劉堯珍及吳霖、張載述等於朝。於是，封可望爲秦王，以楊畏知爲大學士輔政。夏四月，皇太后王氏崩。大清徐成功下廉州，總兵寧武忠出戰，大敗，雷州渠帥王翰等皆降。大清尙可喜使班志富、郭虎引兵徇潮惠之未附者，都督薛進戰死。海豐嶺東皆入於大清。五月，修中極宮，行日講。秦王可望召大學士楊畏知至貴州，殺之。秋七月，祀太廟，中元望祭諸陵。十八日，葬孝正王太后於兩江之宋村山。是月，王翊自島還，入四明，軍潰被執死之。八月，大清陳錦、金礪攻舟山，張名振、張煌言奉魯王奔閩海。蕩湖伯阮進

戰死於海門。九月，舟山破，大學士張肯堂、禮尙書吳鍾巒、吏侍郎朱永祐等死之。冬十月，大清徐成功下雷州，南陽伯錦衣衛都指揮使李元胤死之。陳邦傳以潯州叛。南寧震動。王將奔廣南（滇地），胡一清、趙應選以潰兵同馬吉翔抵駐灘，請舍舟由土司安平下雷歸順，間道進發，諸蠻皆餽餉服徭。秦王可望遣其將狄三品以兵來迎，書致從官曰：南寧不守，當走安隆（粵地），從之。十二月，安寧破，太僕少卿丁元相、戶員外郎楊禹甸死之。是年秋冬，秦王可望由遵義北擊，敗余大海、李占春於重慶，別將王自奇，劉文秀取川西。走袁韜，獲武大定以歸。總督李乾德赴水死。可望遂據兩川。

大清順治九年壬辰春正月，朱成功退大清陳錦兵於長泰。二月，王至安隆，進安隆所爲安龍府，以吳貞毓爲大學士。自是軍國大政一歸可望。王居處亦不自由。歲以銀八千兩、米八百石上供，從官咸取給焉。命曰：在位五年，二三元臣中，湘臨、桂寧、夏南陽父子，心膂左右手也，皆成功無就，殉節彌光，夢寐追傷，榮榮在疚。去年南寧荒遜，荷秦王親賢股肱，迎朕來此，王其厲兵張武，以圖中原，大小戰爭，誅斬封拜，先行後奏，連歲播越，服御自奉，其損之又損，以稱待罪天地祖宗之意。是月，朱成功圍漳州。大清平西王吳三桂，定西將軍李墨勒根瑕，由漢中入四川。守將白文選，走還雲南。定南王孔有德，自廣西以七百騎出河池州，趨貴州，後軍屯柳州。秦王可望乃馳奏兵分二道，使李定國、馮雙禮由黎平出靖州，馬進忠由鎮遠出沅州，會於武岡以圖桂林。

，步騎八萬。劉文秀、張先璧由永寧取絃州，白文選由遵義取重慶，會於嘉定，以圖成都。步騎五萬，尅期並進。從可望奏，封定國西寧王，文秀南康王，餘皆加公侯。夏五月，西寧王定國進克靖沅、武岡。大清孔有德退守桂林。六月，將軍雙禮遇大兵於譯湖，克全州。秋七月，定國遇大兵於嚴關，遂克桂林。有德自焚死，俘其子廷訓，獲叛將陳邦傳，斬於貴州。大清柳州守將全節、梧州守將馬雄及提督線國安，皆還廣東。定國進克柳州，平樂、梧州，廣西府縣皆復。故將胡一清、趙應選、馬寶、曹志建等，出自山谷來歸，可望獻捷行在。王告祀宗廟。是月，陳錦爲其下所殺，以其首奔朱成功。八月，南康王文秀下四川。及大清吳三桂、李墨勒根瑕戰於保寧，敗績，都督王復臣死之。蜀地復陷。可望奏削文秀王爵，還雲南。九月，西寧王定國攻衡州。大清馬雄等復取廣西。耿繼茂下瓊州，杜永和、張月以城降。將軍文選取辰州，斬其守將徐勇。冬十月，馬寶、曹志建復連州，獲守將茅生蕙，斬於衡州。尙可喜使郭虎來救，不及。十一月三日，定國及大清兵戰於衡州，害敬謹親王，收兵退屯武岡，遣使告捷。可望忌定國，召還。大清以洪承疇總制滿漢軍，經略南方，星夜馳入武昌。

大清順治十年癸巳春正月，王在安龍。魯王次於金門，始去監國號。西寧王定國自武岡還，入廣西，州縣多復。秦王可望及大清佟圖賴戰於寶慶，敗績，遂棄湖南，歸貴州。夏四月，定國帥馬寶等圍肇慶。大清潮州守將郝尙久舉兵應之，尙可喜救肇慶，定

國解圍還。五月，朱成功敗金礪於海澄。秋八月，大清耿繼茂、哈木入潮州，新泰侯郝尙久死之。九月，遣文安侯馬吉翔詣南寧，祀孝正皇太后陵。冬十一月，晉西寧王定國爲晉王。十二月，秦王可望遣兵至行在，執行朝使者林青陽、周官及文安侯吉翔至貴州，下獄。釋吉翔，殺青陽、官。

大清順治十一年甲午春正月，王在安龍，以馬吉翔爲大學士。三月，秦王可望遣兵至行在，繫大學士吳貞毓等十六人於朝，執太監張福祿、全爲國於宮，皆殺之。晉王定國自柳州奔南寧，將軍雙禮攻桂林，不克。夏四月，大清割漳、泉、惠、潮招朱成功，不降。五月，定國自廉州出師，故將張月以高州來歸，進圍新會、高明。秋七月，大清瓊州亂，陳武等自稱明將軍，合黎岐拒大兵，水陸羣盜響應。尙可喜使張國柱度海援瓊州。九月，晉王定國拔高明，獲守將郭虎，遂合兵圍新會。大清將許爾顯固守不下，朱成功遣黃梧出海道西援。十二月，晉王定國帥師及大清平南王尙可喜、靖南王耿繼茂、靖南將軍朱馬喇、總督李率泰、蘇章京東拜戰於新會，敗績。是月朔，朱成功復漳州。大清順治十二年乙未春正月，王在安龍。晉王定國奔南寧，所得廣東西府州縣復破。大清瓊州盜平。黃梧兵不利，引還。秋七月，秦王可望遣兵攻常德，不克。九月，朱成功復揭陽、澄海、普寧、徐成功、許爾顯來救不及，遂城揭陽。故總兵陳奇策、馮士驩猶出沒雷廉海中，擊殺大清將蓋一鵬、劉良卿。冬十一月，朱成功遣阮駿、陳雪之圍